

新刊國朝二百家名賢文粹

新刊 國朝二百名賢文粹卷第三

論著

治道治亂教化

名治論

魯國先生

古者一代之興則有一代之治故曰夏后氏尚忠商人尚質周人尚文雖垂人之道不可以名言而施之政事必有稱號可指非但王者如此而一國之治亦然故曰周公治魯尚齒而親親太公治齊尚賢而尊尊自是以來謀謨之臣議論之士亦未有不明當世之治體而識其面目者故漢世每以韋伯自名而晉人亦去以道勝寬和為本今宋之為政久矣其所尚者何也士之通經術知古誼者不為不衆日夜講究治道以遊於世者亦不為不熟其所稱引動以宗周為言而問以當代治體則茫然不知所以名之惟其無得於此是以有慕於彼愚誠不自揆蓋嘗妄論之矣屢不必同要之適足治不必同要之適時故成周

之治任人而國朝之治任法任人者非不用法也以人爲本而輔之以法任法者非不用人也以法爲本而行之以人自古法無全是亦無全非而人之忠佞智愚賢不肖至爲遼絕故任法之世无甚利亦无甚害而任人之世非大治則大乱矣周時公卿不過數族周召毛原執政至數百載不絕今之大臣更迭迭入遠者十餘年極矣近者其月而已雖無累世輔弼之利亦無妨賢尊法之害矣周之諸侯既錫以土宇則刑賞生殺之柄悉奉以委之今郡縣之權不過鞭朴爾過此以往則相顧而議法矣雖無藩屏形勢之利亦無戰爭侵奪之害矣周時任官必考論人物謂之量才度德今不然矣以資歷爲高下以注籍爲先後揭闕于道應法得者之雖無爲官擇人之利亦无好惡徇私之害矣周時取士使之自相推擇謂之鄉举里選今又異於此矣蓋自國初以來三易取士之法然要之不離文字晦名易書暗考而明取之雖無出長入治之利亦無毀善長周之害矣

其大略如此故周之極熾至刑措不用四十餘年恭享文物之
盛信有以絕人而晚節禍敗亦足以稱此 國家受命百五六
十年間海內晏然如一日者此任人任法之効也昔者李勣為
將無大勝亦無大敗薛萬徹非大勝即大敗而近世論將未嘗
不以英衛為先然則今之所得多於成周亦明矣而主方歉然
不足爭說人主以成康之隆而不知 國朝規模處置所以成
就天下之軌者固已如此非獨不知 國朝亦復不知成康美
何則人有情而法無心情之所在恩怨以之其無心者漠然而
已今者欲成康乎則必脫略又法而一切任人夫以天下之大
利而索之於繩墨之內是猶以李勣之節制而求萬徹之奇勝
終不可冀然與其蹈萬徹之險孰若李勣之持重足任也哉

原亂

但徠先生

周秦而下亂世紛紛何為而則然也原其來有由矣由亂古之
制也夫天子君也諸侯伯也君南面曰共而上下之制也故天

子貢分炭而繼而立朝諸侯於明堂明堂者明諸侯之尊卑也
明諸侯之尊卑者明君不可偏於君臣不可擬於君也周至夷
王王室弱矣不敢自尊於諸侯而諸侯下堂而相見則君臣之
禮喪三亂之也君臣之禮亂則朝覲之禮廢而諸侯不臣矣天
下喪矣吁亂是以作古者什一而稅故夏五十而貢商七十
而助周百畝而徹蓋什一者天下之中正也周室衰微王道絕
矣諸侯專征伐擅賦役兵車不息興作無時而用度窮魯宣公
於是始稅履畝成公於是始作丘甲則什一之制宣公成公工
之也什一之制工則聚斂之名起而國日以削矣民日以貧矣
吁亂是以作古者爲井田一夫一婦受田百畝公田十畝靈臺
一畝半凡爲田一頃十二畝半八家而九頃共爲一井田有定
分賦有常出而民無怨秦孝公專務富國強兵用商鞅計廢井
田制阡陌任其所耕不限多少則井田之制秦孝公廢之也井
田之制廢而經界不正井地不均穀祿不平矣吁亂是以作夫

男正位乎外女正位乎內天子聽男教后聽女順天子理陽道
后治陰德天子聽外治后聽內職三代不易之道也秦襄王太
后出閨闥而臨軒戶以女子而朝群臣則男女之職秦襄王亂
之也男女之職亂則陰陽之序失陰陽之序失則日月逆行而
天地反覆矣吁亂是以作古者封建諸侯蕃屏王室天下治而
諸侯守之天下亂而諸侯恃之三代享國八九百年或四五百
年由茲道也秦始皇既吞六國并諸侯思欲獨立天下乃罷封
建置郡縣則封建之制秦始皇壞之也封建之制壞而天下微
矣王室弱矣天子孤矣吁亂是以作古者一后三夫人九嬪二
十七世婦八十一御妻后妃之數也秦漢帝母稱皇太后祖母
稱太皇太后適稱皇后妾皆稱夫人又有美人良人八子七子
長使少使嬀好嬀娥容華充衣昭儀之號凡四十等則后妃之
數秦漢亂之也后妃之數亂則品秩雜而女色盛品秩雜則上
下瀆矣女色盛則邦國殆矣吁亂是以作周禮閭者臺守王宮

中門之禁而已寺人掌王宮之內人及女宮之戒命而已漢武帝數宴後庭或潛游離館奏請機事多以官官主之官官始預政焉則官官之權武帝啓之也官官之權啓則巧邪入而佞倖進巧邪入則正人廢矣佞倖進則君政敗矣吁亂是以作夫君臣之禮亂則僭奪篡竊弑伐矣什一之制亡則暴賦重筭行矣井田之制廢則豪強兼并興矣噫甚矣不封建也陳涉一唱而羸秦亡亂男女也呂后專制而炎漢中否曠后妃也戚姬進倖而太子甚危飛燕就寵而成帝致天用官官也恭頤用事而則功大損曹張執政而劉氏終滅嗚呼秦漢而下亂敗繼踵皆由是也夫古聖人爲之制所以治天下也垂萬世也而不可易易則亂矣後世不能由之而又易之以非制有不亂乎夫亂如何爲則亂可止也曰不反其始其亂不正

亂原論

宛丘先生

國家之亂常在於違理寧事最深最要而世主甘心不悟不惟

有物焉而左右之此天之所以培植將使爲亂原者也西漢之三也以外戚東漢之亡也以官者方其未亡也皆嘗有釁矣然人王安之而不忌信之而不疑卒至於大亂而後已豈非天相之哉唐之高中制命婦人一奪其國一殺其身明皇玩異類而胡羯猖狂身播國屯德宗輕於用兵瀆武不戒而叛臣內侮禍連不解文宗知人不明用狂妄欲求大功卒成甘露之禍凡百君子見本可以知末觀微可以知著陳靈之淫亂子產曰僑聞之如是者常有子拙子產豈他求之哉

備亂

江溪先生

備天下之亂者古今大執可見矣而未能有善備者也始周之諸侯相擒獵割而爲六國卒併于秦秦以諸侯之亡周也乃爲之備諸侯一割其根蘖而郡縣之遂使天下无一繩之維諸侯則不作而其末乃有布衣之旤故高祖不由尺土暴起於風埃之中五載而成帝業漢以郡縣之亡秦也則又爲之備郡縣而

又裂其土地以封諸侯王盤踞過強卒用不終而布衣則不作其末乃有外戚之禍賊莽竊其隙遂盜有漢璽及光武之再開關以外戚之亡西京也則又爲之備外戚乃不復變重宰相而專用臺閣三公拱挾而守虛器外戚則不作而其末乃有閹豎之阼積其殘暴酷烈而終之以董卓天下遂睽而爲三魏氏以閹豎亡漢也則又爲備閹豎痛掃刈之一歸其房閹之役閹豎則不作而其末乃有彊臣之阼故司馬父子襲據大柄更四世而禪其國晉氏以彊臣之亡魏也則又爲之備彊臣而培植其宗族雖愚兒孺子皆付以大國彊臣則又不作而其末乃有宗族之阼朝而爲帝暮而爲囚厲五胡乘之遂荒中國瀰漫橫流以至于唐太宗乃頗究覽其失得而爲大備焉及其末也則又有蕃鎮之禍梁唐晉漢周皆以蕃鎮而更爲帝夫歷世之亂考其所以備之者不爲不至窒一穴穿一穴何禍亂之不息也蓋未嘗取天下之公制而獨以己之私者備之耳成湯周武以諸

侯得天下而商周末嘗顛廢諸侯豈非用天下之公制者邪惟其公也故後世之長久繇秦而來橫汲汲備其私者又矯之過隅呼不得聖人之法而備之奚有不速弊者邪

防患

定菴先生

物盛則衰天地陰陽之理也故義經老子區區所言反復詳悉未有不在於此宣和七年余爲館職見京師富貴之極每切戒家人等斷酒肉甘淡薄常若處憂患是年東南郊兒女輩皆出塗回轡歸謂余曰今日可謂盛侈觀其人物繁多衣冠富盛真太平景象想未至於亂居常以爲憂何也余應之曰此其所以亂也今天下郡縣皆空匱百姓憂苦邊境無備而都城之中君臣上下閭巷風俗奢僭若此豈有不亂者哉汝輩但思吾言曰日念善諸事省節禍亂必不久矣月餘寇兵果來侵逼京城諸門不開凡四十日王侯戚里公卿貴人奔逃于外立離道路或遭寇劫殊不聊生圍閉在內則族累衆多難得飲食不免飢困

唯余舉家平日奉養素薄幸有嬰兒小來麵可給口腹余又自知
天子在此義當共守一有不虞無過死耳不足深慮故闔門數
口皆無愁戚之容乃是預知禍變之來故有以處之也烏乎盛
衰存亡吉凶禍福麗乎形數雖不可免要當以理推之在治思
亂居安慮危不為驕奢淫佚般樂怠傲然後所守自如縱使處
貧賤經患難亦不憚矣今國家禍亂未已而四方之人皆身置
塗炭稍或無事而縱恣如前又況處安平無難之時乎書此為
世人之戒

醫說

江溪先生

醫之說曰攻其未病為之醪醴湯液而不用者上醫也攻其始
病取之於皮膚而理之筋脉者中醫也病勢已成傷其空竅而
結於臟腑乃為毒藥之齊針石之刺艾燭之醯而後已者下醫
也若岐伯之對黃帝以持精神而禦邪氣者是攻其未病也扁
鵲之望桓侯而告之疾作是攻其始病者也華敷之吹膺革而

易其疾是攻其已成者也則夫謀於其上者亦有以類乎醫者
扶逆其未亂而輔之者上治也亂既萌芽而折之者中治也亂
勢已成爛而不收苦言鯁辭而后已者下治也堯舜之出左皋
陶而右皋契都俞相戒終其世而無少亂猶岐伯之對東帝持
精神而御邪氣也周公相成王擇善賢之士而左右開切之使
就於正道猶扁鵲之望桓侯而告其疾也漢唐之間君德大蝕
而不可磨至於斷轆轤車泥首叩墀而后聽者猶華敷之決膚
革而易其疾也然而治於未病者無顯功故岐伯之徒惟其說
之存治其始病者其用淺故扁鵲之跡少著焉治其已成者其
功大故華敷之決脉搜疾若有神恠焉則在堯舜之間無逆言
無刺語孔子曰蕩蕩乎民無得而稱焉茲非上治乎周公之時
其訓也勤其戒也至書曰惟周公左右先王綏定厥家茲非中
治乎漢唐之君屈意拂心若去茅蘄之難室塞而功見故有旌
諫臣責直言豈非下治乎較德則遠而補敗扶弊則一焉嗚呼

已亂而言之謂之下治尚其亂之可救也。亂而不言開口縮舌
唯唯而上下者無乃為下醫之所羞歟。傳曰論病以及國。五因
醫之說而有感焉。亦傳者之志而與於醫說。

治具

江溪先生

為治之具有化有教有政有刑如一氣之變萬物隨之以生以
死而不見巧者化也。民生之愚不能自返徐而產之於善道者
教也。開其利害判其曲直一歸之於繩墨者政也。猾強不制乃
為之斧鑿為之鞭笞以刻鵠鵠楚其肌膚受體者刑也。是四者
天下之民所以仰而治也。是古之堯舜禹湯文武周公之所
以盡心也。今夫朝廷之出一令達一事天下嘈然聚議其得失
而天逆知其後日之行與否。是不可謂之能化也。天下之民窮
而出於暮而入息莽如山林之鳥獸草木一不知其饑飽肥瘠
寒煖是不可謂之能教也。強者鬪智者欺天下猾亂狙詐者百
出是不可謂之能政也。其惟斧鑿之用鞭笞之罰具於廷令者

吏習誦而從事焉又未能尽心也郡縣之吏旦而坐高堂之上民之聞擊盜賊欺誣殺人者日集于庭或謀或寃或答遣之其能辦曰黑敢推擊縛束其身輩者已出露頭角號為能吏矣至於怯軟貪冗老昏而病疲則又有所不能為當免而豈當寬而誅重輕之權或移于子弟猾吏豪民之手善民瘡痍而無所訴用刑之失猶如此又豈暇議政教之美乎夫天下之所寄者內則宰相也外則郡縣長吏也宰相佐天子講治于內而郡縣長吏奉行之於外使天下靡靡而入于善是宰相與郡縣長吏之職也今長吏臨治民如是是天下之無化與教政而獨有刑且未能尽心焉宜朝廷之思所以化之教之政之刑之本原擇賢長吏而俾致之于民焉為治之術亦可謂有具矣

為政

公是先生

善為政者使人自養而非養人也使人自治而非治人也務養人者不足於養而維人務治人者不足於治而罔人曰然則如

之何使人自養而人自治也曰士農工賈者通功易事而相爲役者也非相爲賜也於是爲敏手疾力而任其事勞心竭慮而致其術既口足其父母妻子矣然後推而及於其族然後推而及於其鄉然後又推而及於其道路然後鰥寡孤獨殘疾者有懷此人之情也豈愚不能養哉愚不使之養也夫人之生也固冥然其无所守固難然其不可一是必有師友之勢必有宗主之統師及宗主者非威人以刑者也安人以德習人以禮而已矣彼人自有師家自有宗故在上者得善民而教之得善民而教之故在上者不勞而治今夫廢人所以自養者而及其財所謂不足矣不足而後養之所以離人也今夫人不爲師而家不爲宗則廉恥不立而習俗不一所謂不治矣不治而後治之所以罔人也離人者凶罔人者危故聖王務人之所以自養者而養人故不乏務人之所自治者而治人故不苛

政教先後論

諫議曰公

礼曰教猶寒暑者謂寒暑有違於常則歲功失矣教喻失於早則人性塞矣語曰性相近習相遠故君子慎乎始習知以五常之教欲澄清於人性之初乎語曰為政以德譬如北辰則衆星拱之又礼曰政者正也又政猶蒲蘆詳聖人之指歸觀當塗之政教若水火之濟用以輔車之相依政与教交相用理典亂無相遠何哉晉君舜之教人以仁義故以屋可封桀紂為政以暴虐故以屋可誅夫黎民必以曆數之命大寶之位歸於至聖之君俾之設教為政以撫育黎元也故聖人夕惕若厲用天之道而為國之政然一人不可以獨理必以衆賢而替之故堯舜欲教人之播殖則命后稷以稼穡之政以訓之天下之民由是服勤於農桑矣欲教人之知礼則命伯夷以典彝之政以化之故天下之肅恭於訓導矣申命后稷掌金石之樂皋陶司小大之刑左右翼明聖之君圓方得黎元之性故居堯之時民尽躋於仁壽矣斯則當至理之世无為之朝先於教而後於政矣洎湯革夏

之季世武王化有商之遺教大則以干戈滅兇小則以鉞鉞弭
亂雖應天以順人亦逆取而順守干戈為三軍之政鉞鉞為大
理之政故天下畏罪而悛惡民心自亂而復理是則至王之教
猶寒暑也理民之政猶水火也水火有象而寒暑無形寒暑果
可一候而有差水火不可終朝而斯闕禮曰使人迂善遠罪而
不自竟者禮也禮防人之性抑人之亂皆於未然故不見德之
日益必有時而成君子也若慢於禮而怠於教人心漬熟雖不
見惡之日滋必有時而滅身也昔晉惠吾霸齊之一相也猶云
感人之心若秋雲之生淒涼也悅人之性猶春景之致和樂也
仲尼曰吾志在春秋行在孝經者百行之本欲人之速於孝悌
也是罪人深於教也春秋有懲惡而勸善亂曰賊乎聞之而懼
是罪人深於政也昔伊尹五就桀欲速於政与教也夫教之道
非一塗而政之術有常檢非一塗者喻網罟之衆自必牢籠廣
施而然後獲禽也夫常檢者若无塗之坦道必夷蕩而使人知

道也昔群盜弄兵于潢池之中龔遂軍車士群盜散者以道教之也昔五陵諸豪恣橫于京邑而張敞以彩轡獲盜而民畏未以政肅之也以是論之上自聖王而下迨賢吏操政立教之本亦無先焉無後焉比乎左右手輔於躬而適乎用必若第至理而取確譚則臨清靜之朝勞精於設教可也正澆漓之俗則專意於爲政可也洪範曰強弗友剛克又曰熒友柔克教化先後斯言可徵

政論

編脩劉公貢父

由周以來至今數千歲矣去古者之治如此其久也無聖人之興如此其疏也百歲一易治十年一改法變而益猜下而弥酷繼而治者不亦難乎後王之所爲善政前王之所不忍也何故古之導民者敬也今而慢矣古之使民者忠也今而僞矣古之取民者廉也今而貪矣古之養民者儉也今而奢矣古之率民者禮也今而刑矣風俗日偷教化日渝始者一之繼者十之傳

者日之末者千之後者方之漫漫卒日遠矣居百王之末承万
世之敝能自克而至于千之者寡矣能至于百之者千五百年
未之一有也故雖有賢達仁厚之君懷憂民之心率於習俗迷
於舊政盡心力而為之中道而止耳又况中智之君無巨之主
因陋就寡欲民之及三代不亦難乎故曰後王之所請善政前
王之所不為也不倍已乎然則王政殆其不可復乎曰何為其
然也孔子曰王有必世而後仁善人為邦百年可以勝殘去殺
矣云其泰其明其好惡以身先之以久持之日損月變百姓自
之而不知也化之而不非也至于易世至于百年王者之心善
人之政觀矣

說化論

宛丘先生

天下之勢自天子至於公卿百職事皆有位自治天下一國而
至於一縣鄙一莞庫田野族黨皆有職郊廟社稷禮樂服物皆
有宜賞罰生殺斂散開闔皆有法脩其位修其職治其具謹其

法天下亦可以常治而不廢矣然乃位倭職脩具立法完而天下不治者何也昔者秦之初天子甚尊百執事甚卑郡縣之勢順而禁約之防甚密也至於二世天下之勢猶未改也而天下士萌瓦解而不可救豈四者不具之罪哉四者之在天下猶人之有四支心腹而其所以爲人不在是也夫人之所以爲人其精神爲之主而支幹爲之物精神清明而後其身爲用如其神耗然而蒙昏則其身雖完而不爲使至其神漠然亡去而不相屬則腐敗而已矣身豈足恃以固哉先王之治天下者列布官師政教之具於四方而主在於吾心出乎心而加乎身動乎身而見乎化夫心者政之精神而政者心之宅也龍衮黼黻大輅鸞旂三指而坐垂衣而拱手此不足恃以爲壯也挾弓超乘瞑目而視撝手而立此不足恃以爲武也燕私房闥之好淫僻安蕩之習不除而欲以禮齊天下驕僞退怯婦人女子之情不忌而欲以威正四方譬之土偶人未有爲土偶人而變者也先王知

其然故備天下之政而主之於修身且夫裸袒恣肆於燕寢外
朝之臣不見也中夜而醉乎平旦之人不聞也然先王不敢以
人之不見不聞而恣何也畏吾身之不然而內有愧焉故也夫
惟備物於前而吾心未免於有媿而天下始不信之矣是故先
王不敢自恣於冥冥之中誠吾身無愧乎吾心使吾朝夕振作
所以示天下而使之從我者確然無有毫髮間於吾誠故其龍
衮執曹大輅鸞旂也天下望其容貌聽其聲音而莊肅之心生
掀弓起乘桴目撫干也天下望其旌麾見其羽旄而武怒之氣
作蓋天下之所不可掩其實也竇孽於內而人從於外莫之焉
而自然彼惟有其實而不詛也故位列於上而下供之職修於
官而民從之有司之具不徒設而人則之庶官之法不徒施而
人畏之其身益佚而其功日隆凡布在內外陳之耳目者皆爲
吾用是故賞罰號令謂之政陳物顯容冑之教修身治心以達
其意於政教冑之化旦天下之事有莫知所以然而其理必然

者其誰誠乎熊渠子夜行見寢石以為伏虎睨而射之滅矢飲
羽下視知石也却復射之矢摧无跡夫射一也而中否異何也
所謂射之心不同故也政具教存而天下不聽朝廷之上朝言
仁義夕講禮樂而天下紛爭益肆不為少止者是射石之矢也
豈復能有所動哉夫制刑者莫不欲天下之无犯也堯舜垂衣
拱手於上而天下之人象刑而不犯張湯杜周持小慧細察以
刺取人之罪辜者世未嘗无也而犯刑者不止夫垂衣拱手之
於使人迁善遠罪也宜緩於鞭笞刑罰者夫然論其効必先堯
舜由此觀之政事果足以治天下哉

道化

待制張公真父

舜之時而有庶頑讒說則不善之至者也舜不誅之而在所教
不惟在所教可以望其為我之賓師焉夫天下不蕪雄之人何嘗
无良心善性方其迷而不返越禮敗度誠若可惡及其一旦悔
悟其於為善必力至於可以為賓師不為過也天下之化有三

善人聞善而自化中人勸沮而可化小人必有以感悟之而後
化自化者不資於人固無以加矣其次化中人不如化惡人中人
雖易化其化也亦无大過人故曰非聖人不能化其化也沛
然而莫禦回其姦姦莫禦之資而用之於道建天下之大事立
天下之大功豈庸常之人所能望哉曾子曰上失其道民散久
矣民之所以或為楊或為墨為名家為法家為遊俠為寇賊姦
究其罪雖有輕重其為道之鮮而流於非僻其道一也聖人不
患天下有姦邪之人而患在我之道不足以合天下之散棄舜
三代之盛天下無異端者此也夫人各稟其材凡有是材皆有
是病聖人則開而成之然後得為天下全材而適於用天下各
治其道術凡以是得必以是失聖人則合而通之然後不以於
一方而適於中不然則天下之人皆棄術矣是天下無一日而
無異端也孔子時門人弟子已不勝其散矣非得孔子調而一
之會而通之則子貢之辯必以縱橫名子路之勇必以將俠名

奔走之聚歛必以桑羊鞭弄為遲遲之農圃必以許行並耕名
師之莊必以清介名柴之愚必以獨行名夫以善而名天下之
所善以惡而名天下之所共惡要之事立而名隨之者皆道之
散而德之不全者也游孔門者曰分散口裂衣此況夫上無聖
人出人私其見我用其孝其賢可勝言哉楊子曰御得其道則
天下狙詐咸作使御夫其道則天下狙詐咸作敵御之者非謂
以智術籠之吾吾之道足以合天下之俗而狙詐之人皆折而
為我所用者也昔者考力易牙開方在管仲之時則治管仲之
三則亂洪恭右顯在宣帝之時則為用在元帝之時則為毒封
德彝裴矩在隋則為佞在唐太宗之朝則為忠人豈有不善哉
道合之雖小人可以為君子道不能合之雖君子亦或為小人
然則合天下之智力而以道御之真人君之極摯也秦皇蠲雄
俊曹公殺名士英雄可尽殺乎曹公雖言以道御智力其不以
道知之則惑之矣

教以防其失論

澤德先生

天之生斯人皆可以為善也而有不善者蓋中性之動遂物於外而心術喪於內不知所以操治防制之道故也夫操治防制之道者聖人所以成人之性而復之於中和也昔舜之命叢與樂以教胥子而生是之曰直而溫寬而栗剛而无虐簡而无傲釋者曰正直而溫和寬洪而莊栗剛失入虐簡失入傲教之以防其失善乎舜之所以命叢之所以教安國之論其義凡曰養心治性之說曰於此矣夫惻隱之心而謂之仁人皆有也仁之失則徇愛而少獨羞惡之心而謂之義人皆有也義之失則多忍而寡恩辭讓之心而謂之禮人皆有也禮之失則異懦而无立是非之心而謂之智人皆有也智之失則樂動而好非誠慤之心而謂之信人皆有也信之失則拘隘而情理由是推之則正直者必失之嚴、則不溫寬洪者必失之慢慢則不栗好剛者必失之虐務簡者必失之傲此人性之大蔽發而不中其節也

宜有以操治防制之而復於中和矣聖人嗟天理之易泐而謂
人欲之可禦也於是因樂以成人之性而著之教焉蓋樂者生
於人心之和而發於聲文金石可以養人善心而復於中和也
夫生於人心之和而用之以教化於人以養其善心而復於中
和則其感必速其藏必深是以正聲一發而順氣旁應悖悖邪
僻之態不奪於外恬愉粹靜之本油然而有得於內矣吾見其直
而溫柔寬而莊栗剛簡而不爲虐暴也故曰廟焉而君臣上下
聽之則莫不和謹鄉焉而族黨閭里聽之則莫不和順家焉而
父子兄弟聽之則莫不和親者樂以教之防其失之謂也況夫
舜之韶虞之職而國之子弟烏有不率其性以歸於中和者教
二典而下其教存於經者則周官以中和祗庸孝友之德教國
子其道一本於樂抑可見虞舜周公之心也

新刊國朝一百家名賢文粹卷第二十三

新刊 國朝二百家名賢文粹卷第二十四

論著

治道三禮樂

請復鄉飲禮論

富春先生

孝悌立而人倫厚教化行而邦本固古先哲王知宇宙之廣不可家督而戶勸也故率之以仁義知億兆之衆不可丁誨而口授也故示之以禮樂仁義禮樂不可斯須而知也故爲之節文制度聳動其耳目節文制度不可溥博而達也故因之親黨宴樂浹洽其肺腑蓋鄉飲酒之禮由是而行於天下欲其觀尊卑之叙而孝慈其父子見長幼之節而友恭其兄弟見賓主之儀而肅其宗族鄰里自鄉而率邑自邑而率都自都而率國而達四海薰然而大和巍然而善治因此術也宗周旣弱百變陵夷戰國驕兵姑慕農戰秦酷法盡燔詩書禮壞樂崩鄉飲隨廢雖盡下民無措手足揖遜不見所自惟法令聲詩不聞所自惟

金鼓由是風益薄俗益弊獄益繁禁益犯奸偽益熾窺前益多
執事者不思澄其源端其本復古興教示以其睦惟曰今古有
異澆淳不同愈苛其政愈峻其法以是大盜作兆人擾攘弑相繼
覆亡不暇其所從來者漸矣革暴正統曰漢迫唐漢以難霸而不
行唐以因循而未復宜乎勲德於三代也向使民旣久時旣平思
治道之根本勸孝悌若急征賦招前王之闕遺行教化若事闕
拓豈有遺恨乎今國家修廢禮隆古道郊丘之祀正矣藉田之
耕躬矣太學之教新矣東觀之書備矣惟此墜典未之聞行若
曰旣富而後教之則天下已富矣若曰百年已後勝殘去殺則
兵銷已久矣誠宜亟命禮官舉故事頒下郡國行之鄉黨則魏
魏之盛自可駢唐駕漢抗衡乎三代矣昧者或引玉帛鍾鼓云
乎爲難則將對曰鄉飲酒禮周公作之孔子述之彼以示君子
此以化中人已降非爾所及也

辨郊論上

右丞胡公

智小而習近雷同乎因循之說而不知經常之所在苟務爲言以書於冊而曰古之人常爲吾書之所說者使學者牽制於其卑之論而不求於至當之理以逆疑古之人曰是其所爲者真若是是亦惑矣昔者孔子之言曰魯之郊禘非禮也周公其衰矣而或者不信孔子之言而謂成王以周公爲有勲勞於天下命魯公以世祀周公以天子之禮樂是以魯君孟春祀禘于郊而配以后稷季夏六月以禘禮祀周公於太廟斯禮也天下之理也嗚呼不務明天下之大分正天下之大義以逆疑古人牽合傳會強解夫子之言以成就其私說是則漢儒之罪也周公制禮作樂自天子達於庶人禮服冠冕車輿宮室婚姻喪祭纖悉委曲事爲之制曲爲之防以就其自然之勢而成王親與周公相率而行之周旋揖遜於其間而天下無背反狡猾之民以成犯上之獄周公旣死成王猶自立以君天下典禮法度皆在也成王守而行之以至于無事而稱大治之時人到于今歌頌而

不絕是豈不賢而能之哉成王賢耶豈顧廢典禮滅法度叛周公之所為以僥倖於魯國遂區區姑息之說以啓逆亂之原乎人之生也久矣一治一亂非聖人者出而講治之則其類也豈不殆哉於是為之立君臣等上下明大分以定其志為節文以行其禮故天下偃然相固以為安相接以為歡大分謂之經節文謂之制行經與制謂之君推經與制謂之道變經則亡變制則亂亂亡相屬天下不轉為夷亦希矣故天子坐於其上諸侯奔走於其下諸侯坐於其上而大夫奔走於國南面之勢略同矣凡所以養自養矣養射之具而不少異焉則是釋獸於山而縱禽於藪矣其為勢也豈不決驟放逸而不可復制者哉故為天子者曰我君也而若臣我矣我且出令焉若行吾令謂之臣我且制作焉若守吾制謂之臣我且立法焉若從吾法謂之臣違令者為犯變制者為僭違法者為叛犯者吾其罰僭者吾其殺叛者吾其滅指揮號令以告天下而諸侯大夫卿士庶人

莫不秩秩然歛衽拱手而畏服之夫以一人之身坐於其上而千萬人歛衽拱手畏服於其下豈少人人識其有德而可貴哉太分素明節文素定而其勢不得不然也成王雖賢猶君也周公雖聖人猶臣也周公未死也成王封之於魯昌若世世為周室輔又封太公於齊曰若世世為周室輔齊魯之封一也其於周公無異數焉周公死矣成王追而念之曰忠於王室莫如公勤勞於天下莫如公有功於孺子莫如公我其思之尔我其富之尔我其振撫其孤而恤之尔若天子礼樂祭祀庸人猶知其不可與孰謂成王喪之哉

辨郊論中

右丞胡公

孔子於襄亂之中其言前世天子諸侯賢人哲士成功立德治乱安危可否之迹可謂詳矣其於至貴事業可疑之際與群弟子問難對答判然明白以著於後世而成王賜魯以天子之礼樂則無錯焉豈是孔子諱之歟諱之非所以為孔子孔子亦

魯國衣冠區區之間而是非堯舜以來數千百年之事事是則
謂之是事非則謂之非是非在彼孔子何與其私哉聞古之人
曰堯曰舜曰禹而孔子論之於堯曰大哉堯之為君也巍巍乎
唯天唯大唯堯則之於舜禹曰巍巍乎舜禹之有天下而不与
焉又曰皞皞美矣又皞皞也禹吾無間然矣於文王曰三分天
下有其二猶服事商周之德可謂至德也已於武王曰武王美
矣未盡善也聖人之道仰不愧於天俯不愧於人內不怍于心
推之不異于古挽之不違于今通異時立異事行異言存異迹
迹之是非如日月焉誰能掩而增其明晦邪漢儒以是厚誣於
成王吾不得孔子之言而信之烏得厚成王之過也哉古之聖
人以天下之勢莫能相長而必有以長之者故天子長天下諸
侯長一國長者地大長之者地小殺而離之綱而維之籠而
鉤而天下之勢如身之使臂臂之使指委順柔然而歸命於上
雖有桀獫獍腹之民而無所逞其欲故天子之地方千里不千

里不足以制諸侯諸侯之地方百里不百里不足以守宗廟之
典籍王制曰公侯百里伯七十里子男五十里而孟子所云亦
若是虞夏商周不變也周官職方之制曰上公之地封疆方五
百里其食者半諸侯之地封疆方四百里其食者三之一由伯
子男以次而差降之則諸男之地猶得方乎百里二禮雜出於
漢儒其所去者乖戾訛謬無足考正不得孟子之言而據之吾
何以識其不然而使後之蓋孟子曰周公之封於魯爲方百里地
非不足也而儉於百里太公之封於齊亦爲方百里地非不足
也而儉於百里漢儒以謂成王封伯禽於曲阜地方七百里摠
其實不然周之義也諸侯之強者吞弱大者并小斤土廣地而
自爲旌國惡武王周公之典籍爲害已也而皆去之孟子曰今
天下之地方千里者九齊集有其焉漢儒雜採襲周土地之
數以厚誣於成王而不顧天下諸侯方千里者猶九國焉豈九
國者亦皆成王之賜歟以九國爲非成王之賜耶則魯之七百

里也烏足謂之多哉魯於是時比諸侯為最弱不至乎千里亦勢然也土地之數猶若此則魯之郊禘其又可以信漢儒之言耶宋人有以千金均十子者曰與而百金非資以為生此父百年而沒也其子有乘時轉徙發財鬻財而至万金者有拱手坐耗而短褐不被其身者越人一旦而視之曰而翁哭不均哉均是子也而若獨万金何邪是之謂據今而本古不揣本而齊之末者也

辨郊禘下

右丞胡公

魯之郊禘非成王之賜耶是非耶後世烏得而行耶吾以為閔公始禘之也僖公始郊之也何以知其然耶前平閔僖十有六君焉求乎郊禘無者也後乎閔僖十有六君焉或禘或郊有時而見乎經見乎經者吾得以考而知之不見乎經者非吾可得而知之也閔二年而吉禘于莊公前乎此而魯未嘗禘也吾是以知閔公始禘也僖二十一年而三卜郊不從為免牲猶三望前乎此而魯未嘗郊也吾是以

知僖公之始郊也然則郊禘天下之禮也非自下之可用則僖
魯國之君以諸侯爲最弱非成王命之以祀周公孰敢遽然自
僭以抗天子之禮而獨立於諸侯之間哉蓋周之衰而諸侯僭
亂也其勢若決疽潰癰敗壞四裂而不可禁其始衰也天子孤
弱而不能以自專陪臣執國命而與聞天子之政矣孔子曰季
氏八佾舞於庭是可忍也孰不可忍也夫子以季氏之庭而用
八佾之舞當是之時僭書而不爲怪則閔公之用禘僖公之用
郊又何足以駭時人之耳目而不能獨立於諸侯之間哉首而
加乎冠足而踐乎履覆背以衣圍下以裳舉世之人誰不知其
如此耶有人於此藉足以冠冒首以屋簷倒衣裳而出者則人
皆指目而笑之其則傳言相譏以爲人妖而物怪者世固有人
若是而人不以妖且怪者蓋出之爲此者多耳目習以爲常而
不足怪也予讀詩之魯頌抑又知僖公之始郊而成王未之賜
也王道之於天下天下之人舉欣欣然而喜曰非吾君也其孰

能使我至乎此其安也喜則歌歌之所以爲頌也王道之不行
於天下天下之人舉噉噉而怨曰非吾君也其何使我至于此
其毒也怨則刺刺之所以爲變也彼將頌我耶非有求於彼而
彼固頌我也彼將刺我耶我曰禁而止之固不能弭人之刺我
也是王政不行而諸侯無風著王政之不行於天下也魯諸侯
也季孫行父請命于周而史作爲頌則魯公之志亦可知矣豈
其頌者亦成王之賜者耶閔官之頌述成王之言曰王曰叔父
俾侯于魯大啓尔宇爲周室輔至其論郊祀則曰周公之孫莊
公之子龍旂乘祀六轡耳耳春秋匪懈享祀不忒皇皇后帝皇
祖后稷享以騂牡是享是宜降福既多周公皇祖亦有禋汝狄
而載嘗夏而福衡曰牡騂剛犧尊將將毛包載養邊豆大房方
舞洋洋孝孫有慶享以是益知僖公始郊而成王未之賜也
者曰周公之功人目所不能爲者也禘郊之祭人目所不可用
者也人目所不可用之禮樂以報人目所不能爲之功夫何

不可哉謂周公之功爲人臣所不能耶則非勉人之道也後世
平無成王周公之時歟有斯時也其平無能爲周公之所爲者
歟有能爲周公之所爲者歟其卒以天子之禮樂錫之厥功如
周公德如周公繼世之子孫復如周公其不驕而吝也斯可矣
不幸有周公之功而德不足以自將者無乃以是啓僭亂之心
歟魯大夫有老而託其子於家自以其沒也家自卒相其子以
至於壯大而不隕其家聲其子以家自之有功於我也奚不事
以辨貌報之以財賄烏用葬而僭大夫之禮也歟古之人之於
禮也既已爲之等殺明白上下而使之不相瀆亂矣猶於可嫌
之際復表而出之懼其不嫌而至于亂故叔不服嫂所以教民
遠嫌也又况君臣之際有可嫌者乎後推而言之歟

明堂原論

學士孫公巨源

古之言明堂者一而已矣不曰布政之宮乎不曰聽朝之堂乎
不曰朝諸侯之地乎不曰饗上帝之所乎不曰祀文王之廟乎愚

謂明堂有五而設之方有三焉國中之明堂一方岳之明堂
四是有五也國中方岳設之各異是有三也國中明堂則饗上
帝之所祀文王之廟若布政聽朔朝諸侯有時而爲之者也方
岳明堂則布政之宮也諸侯之地祭一方上帝之所也若聽朔
祀文王則非所宜者也何謂國中之明堂則見乎孝經者也經
曰昔者周公郊祀后稷以配天宗祀文王於明堂以配上帝后
稷文王之功之德皆配天者也豈可郊者也后稷郊矣文王可
復郊乎后稷配天矣文王可復配天乎故祀文明堂所以避后
稷也配之五帝所以避配天也五帝者五行之尊神也所以佐
天地生而成者也帝者神之尊稱而已不必乎上天之神而後
謂之帝也祭天於郊可也祭五帝復於郊可乎不可也故明堂
而祭焉郊者以天而設也配而祭者必后稷也明堂者以五帝
而設也配而祭者必文王也周公之前明堂者止乎祭五帝而
已及周公居攝避周之朝廷而弗敢處於是乎即明堂而布政

焉朝諸侯焉思文王不可以配郊於是乎即明堂而崇祀焉配
五帝焉後儒不採其本有曰布政者有曰聽朔者有曰朝諸侯
者有曰饗上帝者有曰祀文王者混淪無別莫之能究愚故曰
國中之明堂饗上帝之所也文王之廟也若布政聽朔朝諸侯
則有時而爲之者也何謂方岳之明堂則見乎孟子者也齊宣
王問於孟子曰吾欲毀明堂孟子曰明堂者王者之堂也王欲
行王政則勿毀之矣此周家泰山之明堂在齊者也古者天子
五年一巡狩至乎方岳之下而息焉非有宮有室則何以合諸
侯乎何以頒政令乎何以告祭一方之神乎何以安万乘之衆
乎故四岳之下皆有明堂合諸侯於是頒政令於是祭一方之
神於是安万乘之衆於是舉一隅則衡也常也華也可得而知
矣愚故曰方岳明堂則布政之宮朝諸侯之地也祭一方上帝
之所也若聽朔祀文王則非所宜者

或曰然則國中明堂非所以布政乎非所以聽朝乎非所以朝諸侯乎果如子論柰先儒之說何對曰古之天子有外朝有中朝有內朝有燕朝有宗廟布政司也聽朝可也朝諸侯可也安在乎遠適明堂也先儒謂明堂在國之陽七里之內三里之外則亦遠矣以萬乘之尊而且旦暮暮往來奔走乎七里之堂則萬機之繁何以周乎一人之身無乃勞乎先儒又以謂明堂聽朔月月而移一室焉此又迂僻不經無足援據者也是說呂令失之也呂令言明堂五方五廟愚有取焉言天子月月而移一室愚无取焉或曰孝經之文止乎上帝先儒謂上帝天也天亦上帝也異文而已耳今子謂之五帝何也對曰天至尊也至質也郊而祭可也廟而祭不可也是以知明堂之祭非天也五帝也或曰經言上帝而子五之何所明而五之也對曰既非天帝則必五方之帝也以呂令言之則有青陽焉有明堂焉有大室焉有總章焉有元堂焉豈非五方五帝而五室乎或曰文王一

神配五帝何也對曰祭祀之法自內出者無匹不行自外至者無主不止配者主也蓋五帝如賓文王如主耳一神而配五不可乎或曰先儒謂古者巡狩至乎方岳之下為明壇以祭天一方諸侯於是乎見之安侯明堂而可乎對曰壇以祭天可也諸侯因而從祭可也堂所謂祭一方之帝也所以合諸侯也所以頒政令也由是言之則壇設於外堂設於內堂而壇分焉而立之者也愚以孟子之書度之不疑以人情度之亦不疑合不疑為書以示於後庶乎其可也或曰先儒之說未有一言如子者何也曰先儒之言也俄而之經也俄而之雜也愚之說一乎經而已矣孟子經之以也苟孟子弗之信而亦難信乎嗟乎漢而下唐而上不知其幾堂也不知其幾說也昧昧乎日月之有光而昏昏蔽之也今而後廓然也後之王者得愚說而從之庶幾其無惑也

或曰封禪者何禮也曷為後世紛紛言之者多而行者不絕乎
封曰封禪者巡狩之一端耳或曰封禪封禪也巡狩巡狩也先
儒未嘗合而行之子謂一端可乎封曰古者天子莫不有巡狩
焉巡狩者巡所守也天子為上帝守其天下諸侯為天子守其
土守土之君有賢者有愚者有治者有亂者天子不能徧知故
五載而一巡之黜一愚而亂者天黜之也奉天之罰也外一賢
而治者天升之也行天之賞也奉天之賞行天之罰安可弗告
之天子既已告於天安可弗告之地乎故東之賞罰即東山而
告焉西之賞罰即西山而告焉南之賞罰即南山而告焉北之
賞罰即北山而告焉中之賞罰即中山而告焉告天必祭祭天
必壇所謂封者壇之謂也蓋封土而為壇也告地必祭祭地必
禪所謂禪者禪之謂也蓋除地而為禪也天高故壇而祭之稱
其高也地卑故禪而祭之因其卑也記曰因天事天因地事地
因名山外中于天封禪之名蓋出乎此而亂之者也是以謂之

一端也或曰魯夷吾自古受命之君莫不封禪而夷吾所託十
有二家然多以泰山封梁甫禪者何也對曰古者巡狩自東方
始四岳之尊莫適乎泰山者四時之巡莫盛乎東方者則必祭
天地安得不舉東而言舉乎東則三隅可以類而曉也後之儒
者弗達其禮而巡狩封禪離而為二以失其真至於秦之瀆漢
之後所弗忍聞也矣

封禪原下

同別

或曰然則封禪可為哉對曰因巡狩而為之經也捨巡狩而為
之非經也經可為也非經不可為也或曰先儒謂王者受命致
治平之功必封禪以告乎天地然後刻乎石紀乎號蓋一王之
盛禮也如子之說有巡狩遂無封禪也然則治平之功安所告
對曰果謂治平之功必告乎天地則圓丘方澤皆可告也烏在
乎遠之泰山也果謂王者之號必刻而紀則澤被乎生民功參
乎天地於時有詠歌於後有冊書鏤乎若金石之音闢乎若日

月之先舟車所至聲教所達皆可刻也皆可紀也烏在乎一泰山而已也或曰然則諸儒之言何其盛歟曰諸儒之言皆夷吾感之也使封禪而自為一禮如此之盛則六經中曷無一言及之乎然則言五載巡狩而不言封禪者書也言巡狩時邁而不言封禪者詩也言十有二歲王巡狩而不言封禪者周官也言巡狩升中而不言封禪者戴記也噫封禪之說失自管夷吾始也迷其本而大其礼又引符瑞以神之使萬世遵法湯然無救者司馬相如也為之書以實之且曰母世之降則封禪答焉者太史遷也六經本無封禪而訓傳之際蔓延其說使諸儒公波討瀾曰浸而廣者鄭康成也止譏其費而不究其本使後之學者猶以封禪自為一禮者文中子也嗟乎遷康成博儒也文中子大賢也猶論誤若是况俗儒者乎

封禪論

浮休居士

禮有失有得惟其設於人之所欲者故雖曰非先王之禮

出豈決能信而不爲邪此所以雖智辯有力者難破而矜大奸
名者樂行也天子不巡狩而有封禪諸侯不述職而有郡守夫
巡狩者天子豈不欲行之邪顧三代而下勢不可行之弱惟是
封禪之說以謂王者功成治具視天下之不平盛美之如此舉
先王之盛典將無可堪輿而形象之者故爲是封禪之說大略
以謂太平之至王者不敢已有而將推德于天也然爲是推德
于天之說適所以有已也故爲國家者去俾爾太平爲是封禪
之禮而推德于天人君之所欲歟後世夸大好名者深慕而樂
行之也王通曰封禪之費非古也徒以夸天下其秦漢之後心
乎此王通所以見邁古人漢之諸儒皆不及也古者天子五載
巡狩諸侯各朝于方岳之下故書曰歲二月東巡狩至于岱宗
柴望秩于山川見東方之諸侯敷奏以言明試以功車服以庸
故以其巡狩而至于方岳之下也因行告至之禮而祀天秩神
以其諸侯之來朝也因貢有功而黜不職者故孟子亦曰天子

適諸侯曰巡狩巡狩者巡所守也諸侯朝於天子曰述職述職者述所職也迨夫晚周之衰諸侯峙立而君曰道絕歷春秋至秦之初數百年間天下分合無定至始皇復統而爲一於是罷侯置守然視天下以爲翕然歸已也將無以稱其德逞其志又當時之博士諸儒一說不合則具秦法誅已也遂謾曰一至于黃帝禹成王七十二君皆膚封泰山禪涿甫彼始皇既撫天下翕然歸已之勢又上得與黃帝禹成王所謂七十二君者同德而列乎無窮不朽之地其心宜如何哉故自秦而下代有龍營者皆所謂樂得其欲者也吁無諸侯不得行巡狩有天下可以爲封禪唐太宗旣平突厥年穀屢登群臣請封太山始頗非之而詔顏師古等采定儀注東幸至洛陽以彗星見乃止韓愈在潮欲求內徙遂以封禪說導憲宗夫以太宗之賢韓愈之尚名好善猶不能持始終之志然所謂功成不自有與夫阨窮而不悶者其事業固偉哉

述亭論

河南先生

宗廟世數先儒論之甚詳歷朝頗以七世為允此不復議然郡國建廟及陵寢之制可得槩舉自漢世郡國始立祖宗廟及從叔孫議增建原廟則京師祖廟有二若夫陵寢之制則因秦氏而寢廣之古不蓋系素皇起廟墓則漢因之諸陵寢皆以時建如元獨顯宗遺制無起廟屋故張酺稱之曰顯節陵掃地露祭欲率天下以儉也以從武帝陵依漢立於景帝初三年諸羅氏陵寢頗循漢制永徽二年制初陵後三年之後唯景龍世特豐昵廟景龍二年博士以諸陵日祭非古乾陵朝賜道真莫敢率並建太室有京後兩京太廟四府俱享自後漢官稱一日建之與述其制度大率主於隆而不主於殺也豈非篤孝惠之意唐主師不祭皇輿時則就享三日有席塵主駕或廣親親之恩乎然觀夫先王之致孝也極乎配天盛乎禘祫致

精明之德躬裸獻之禮重之慎之盡夫至誠而已若乃盛日祭
於國寢委時享於下國雖美物備致而至誠不篤与夫周頌所
稱不其異哉

名分論

浮休居士

君目上下是謂名分究而言之易所謂天尊地卑天地設位自
然之躰也名者依德而生其在人若實若虛分者隨量而給其
在人若有若無不可多取不可篤好與禍福相倚伏如有物陰
爲之主宰者然獨古聖賢能參而變之後世之君子鮮能備也
求福則遭辱求益則遭擊聖人自卑故人尊之衆人自尊故人
卑之苟欲趣而受之罕有不蹶者矣是以聖人尤戒之有心哉
願萬物皆備於我欲撙前人之功建來者法俾制作法度皆自
我給則仲尼之文章可知也猶曰後生可畏安知來者之不如
今也周公之制作可知也而孔子猶欲從先進由是知有國家
者與其好大孰若不矜與其多事孰若保常不矜之名常榮保

常之分常安

正名論上

泰山先生

正名者傳嗣立嫡之謂也為國之道莫大於傳嗣傳嗣之道莫大於立嫡所以防僭亂而杜篡奪也用能尊統傳緒承承而不絕故子路問於孔子曰衛侯待子而為政子將奚先孔子以靈公無道不能先正厥嗣以靖其國卒使蒯聵父子爭立以亂於衛故對曰必也正名乎名不正則言不順言不順則事不成事不成則禮樂不興禮樂不興則刑罰不中刑罰不中則民無所措手足謂諸此也何以辨諸案春秋定十四年衛世子蒯聵出奔宋哀二年晉趙鞅帥師納衛世子蒯聵于戚蒯聵出奔宋者蒯聵有殺母之罪懼而奔宋也納衛世子蒯聵于戚者靈公既死蒯聵為輒所拒不得入衛也且蒯聵有殺母之罪懼而奔宋靈公固宜即而廢之擇其次當立者以定嗣子之位也靈公不能先定嗣子之位故使公子郢得立輒于後以亂于衛夫蒯聵

者靈公之子也。輒者蒯聵之子也。輒既立，則蒯聵無以立矣。蒯聵無以立，則必反而爭其國。既反而爭其國，則輒必拒之。輒既拒之，是弃其父而立其子，教其子以拒其父也。噫，君君臣臣，父子子，邦國之大經也。彼則弃其父而立其子，教其子以拒其父，君不君，臣不臣，父不父子，不子禽獸之道也。人理滅矣，是故蒯聵出奔，宋納于戚。春秋皆止其世子之名而書之者，惡靈公而不與輒也。惡靈公者，惡其不能正厥嗣，以靖其國，不與輒者，不與其爲人子而拒其父也。或曰：若蒯聵者，獨無惡乎？曰：蒯聵則殺母之罪，當絕反而爭其國，是爲篡國，故經書納焉。納者，篡辭也。孰謂蒯聵獨無惡哉？然則蒯聵之篡國，輒之拒父，皆靈公爲之也。皆靈公爲之者，靈公生不能治其室，死不能正其嗣也。故春秋參譏之。此乃聖人正君臣、明父子、救昏亂、厚人倫之深旨也。而世之說者，以爲正百事之名者，失之遠矣。

春秋既正蒯瞶卅子之名而左氏公羊氏穀梁氏傳之俱無一言解經稱卅子之義夫傳所以解經也傳而不解安用傳為惟江氏注穀梁曰齊景公廢卅子卅子還國書墓其若靈公廢蒯瞶立輒則蒯瞶不得復稱曩日之卅子也稱蒯瞶為卅子則靈公不命輒審矣此矛盾之喻然則從王父之言傳似失矣經云納衛卅子鄭子忽復歸于鄭稱卅子明正也明王則拒之者非邪愚謂蒯瞶稱卅子之義傳既失之既亦未為得也且蒯瞶有殺母之罪當絕當絕則不得為嗣故經稱納衛卅子納者篡辭也此則蒯瞶還亦書篡非獨齊卅子還而書篡也然蒯瞶猶稱曩日之卅子者乃孔子正其名而書之尔非為靈公不命輒而書之也既安得謂稱蒯瞶為卅子則靈公不命輒審矣哉又忽稱卅子者與蒯瞶異矣觀鄭忽之曰奔也非得罪而見逐也蓋以莊公既卒鄭忽當嗣為宋人執祭仲以立突篡而失國也况乎突之篡忽者况弟也輒之拒蒯瞶者父子也是故忽之出奔

也書曰鄭忽出奔衛去世子者護不能制其弟突以失國也及
于還也書曰鄭世子忽復歸于鄭世子者善其能反正于鄭也
若則驥則不然則驥之出奔也書曰衛世子朔驥子戚出奔與
納俱稱世子者明朔驥正嫡當嗣輒不得拒也由是言之則熙
安得引鄭世子忽以解朔驥稱世子之義哉則知拙之說者不能
辨傳嗣立嫡之道者由三傳失之於前說者惑之於後也

新刊 國朝一百家名賢文粹卷第二十五

論著

治道四禮樂

禮論一

宛丘先生

禮之道仁義而已矣夫仁主於親親長幼之際而義生於貴賤君臣之間知親親而貴賤之義廢則蕩而不嚴知貴賤而親親之仁亡則嚴而不和是故聖人爲禮以兼統之使之兩立而兼善並行而玄用而後仁義之道行焉是故有鄉飲酒以見其仁而又制燕禮以見其義故鄉飲之禮主人拜迎賓於庠門之外至于燕則賓入中庭君揖降一等而已鄉飲之禮主人尊賓故介猶坐於西南而主人親酬之初不敢酬賓示尊也至於燕主人獨升立席上西面特立而公卿以嫌而不得爲賓君舉放于賓反所賜爵則自賓以降再拜而後受夫庠門之外已遠矣而加拜焉賓至中庭已近矣而降止於一等主人之於賓至於不

敢酬介則主人之禮已卑君舉旅賜爵而賓拜而後受則主人之禮已重是何也蓋鄉飲之禮所以正長幼之序故賓爲衆人之尊而以齒命其衆者也而主人者鄉之大夫與夫黨正之屬故方其率衆以明長幼之序則使民尚齒而知貴賤有所不行故一以盡仁而燕禮所以明君臣之分君爲人主而大夫爲之賓故將辨尊卑之分則使民尊尊而知長幼之齒有所不序故一以盡義故禮者節文仁義而行之者也夫仁義之道本于心待禮而後見于外而君子之于仁義其行之或過而衆人之于仁義往往不及非禮不足以取中焉故鄉飲燕禮節文仁義而裁之于中者也故禮也仁義也吾未見其亡一而可行也夫鄉飲酒之禮主人坐于東南而坐賓於西北主人處仁而賓執義何也蓋黨正屬民飲酒于序則其主人之所與爲賓者衆之所尊賢有德者也夫將明長幼之道則衆之所尊而賢有德者其於衆也有教誨之義焉故五十者立侍以聽政役則幼之于長

有奉令承之義也夫惟長有教誨之義則其道主嚴而以齊
衆出令爲主夫齊衆出令而其道主教者義之事也此賓之所
以坐於西北也故父道主義爲其尊也古者諸侯之射必先行
燕禮卿大夫士之射必先行鄉飲酒之禮何也夫先王之爲礼
其升降之數俯仰之節爲已詳矣然至於宗廟朝廷之中習之
變而用之便者何也爲其有漸也故魯人將有事于上帝必先
有事于類宮晉人將有事于河必先有事于惡池齊人將有事
于泰山必先有事于配林將重其大必習其小將爲其難必爲
其易故其心佚而不乱其胥安而不愕矣諸侯之射以狸首爲
節狸首者樂會時也夫會時者謹朝覲修會盟勤燕饗不敢失
時者也故其射射也必先習燕禮以明尊卑之序而會時者明
尊卑之序也卿大夫以采蘋爲節而主於循法度士以采繁爲
節而主於不失職夫循法度不失職則其道近在于一身而鄉
飲之禮主於明長幼而未及夫大者焉故必先習鄉飲者其道

當然也諸侯之道君道也君道尊故其射也止于正尊卑而已
卿大夫士之道臣道也臣道衆故其射也有鄉人長幼之序焉
此其諸侯所以先燕禮而卿大夫士所以先鄉飲歟

禮論二

宛丘先生

昔者孔子以謂知禘之說則其於治天下也如指掌蓋嘗求其
說以謂禘者祭之一名而邊豆之事則有司存而不能通之於
治國蓋嘗思之以謂天下之所以不治者也何也無乃起於貴
賤之不明歟親愛之不篤歟器用之無制歟衣食之無別歟賢
不肖之失叙歟五者不至而其國欲治者未之有也今夫郊社
之於上帝也宗廟之於先君也則夫向之尊卑親愛器用衣服
賢不肖之叙蓋已並立而修飭矣上自王公大人而下達於里
閭之際貴者親其事而行之於身賤者承其風而被之於政則
治天下之能事畢矣此君子所以重禘之說而又以謂明乎郊
社之義禘嘗之禮則治國其如示諸掌者也夫百神之祀自郊

丘而達于七祀均爲禮也而莫專於郊社宗廟之祭自禘祫而達於時薦均爲祭也而莫隆於禘嘗故舉郊社禘嘗則小者蕪之矣夫天子之於天下其禮無所降矣而於饗帝也有君臣之義焉故曰尊天而親地夫宗廟之饗食水陸之產苟可薦者莫不咸在而爲之宮室之美車服之盛而至於饗食帝則三獻燭一獻熟因地以爲之立陶匏以象其性元酒以饗食大輅以載大裘以服此疑於略矣此其說何也夫郊之饗食帝且之於君非禮不敢見故時至然後會非法不敢貢也故合禋然後獻俯仰進退於朝廷之間者莫非禮也故尊而不敢褻簡而不敢瀆此饗食帝之所以疑於略也宗廟之祭則子之於父也孫之於祖也夫事親之道其見也無時其獻也無節志於和而無事於簡主於悅而不難於瀆此宗廟之祭所以雖降於上帝友疑於重坎蓋尊尊之道以簡而親親之禮以尊故饗食帝於郊而貴賤之位別矣雖然別貴賤者非獨如此而已也宗廟之中以爵爲位而宗人授事

以管尸之餘君與卿之卿之餘大夫之大夫之餘士之士之餘而後燁胞翟闔無不雍澤夫饒祭之末也而尊卑之別如此此貴賤之所以別也夫追遠之禮至於廟而祭祀之典行於四時以事死如事生事亡如事存割牲賤事也行之於君執盤末後也而從之於夫人冕而饗子率其稱臣以樂皇尸而不嫌於卑蓋其始也齋戒謹潔而庶幾見其聲音笑語之容而其祭之也與尸酬酢而求象其平日飲食之事此親愛之所由篤也事帝之器不陳于廟事死之禮不見于郊尊之用犧象也罍之用山也鬱尊之用黃目也淮之用玉璫大圭也薦之用玉豆也歌者在舞者在下先代之樂陳于廷而四夷之樂陳于門此器用之別也大喪以祀上帝龍衮以祀宗廟元端以朝日皮弁以覲朝自天子至于士衣之不脩不敢用於祭一器之不法不敢行於廟此衣服之別也古者天子別於宗廟必射而擇其容解中其礼其節定其樂而中者乃得用於祭而否者不與焉夫

射者君子之所以觀德也夫德無形也必有待以見于外射者君子之所以見其德者也故射中多之與於祭也非射也所以辨德也此賢不肖之別也貴賤明親愛厚器用設衣服修賢不肖別而國不治者未之有也道載於禮而禮藏於器不知禮不處與言道不知器器足與言禮考禮者自器而辨道者先禮明乎器達乎禮通乎道而不通乎治國者君未之聞也故古之君佩玉束帶趨翔旋揖於宗廟之中而盡天下之能事者如是而已矣

禮論三

宛丘先生

先王之制祭祀自郊丘以逮夫七祀莫非祭也而尤重於禘嘗其說何也蓋其道有三焉曰政事之節也曰品物之盛也曰陰陽之消長也夫禘夏祭也而夏者萬物之始蕃於時則陽用事之時也故先王之政凡所以順陽之氣者禘而後頒焉故曰古者於禘也發爵賜服順陽義也嘗秋祭而秋者萬物之既成而

於時則陰之始也故政之所以順陰者寡而後行焉故曰於嘗
也出田邑發秋政順陰義也蓋先王之政一本於陰陽而禘嘗
者謹陰陽之節而不敢違候時辨物以別天地之氣者如此所
以重穀然則春之初也冬之蒸也而政不當焉何也蓋春者物
之始生勾者始奮萌者始達而平秩東作之時也夫物始生則
陽氣未盛而品物未備而民方趨於東作之際則趨功造事而
未可以聽政役故陽之政待夏而後行蓋夏者物盛而厥民因
之時也冬則物之生窮實者已歛而成之者既收寒向謹力而
民率其婦子以入室備寒之時也夫物生已窮則非所以備財
用而民既息則非所以聽政役故陰政之所以順陰氣者方秋
而行之矣而秋者萬物始成而厥民夷之時也蓋古者嘗祭未
行則未發秋政未發政則民勿敢艾其謹之如此此所謂政事
之節也夫物之於春也始生而於夏也始盛成於秋而窮於冬
既盛則備於初生而已窮則闕於始成故禘也嘗也万物盛多

之際也。万物盛多，則品物備。故禘嘗之祭，備物之享也。此禘嘗之所以爲重也。夫先王之於祭也，誠而已。何貴於品物之盛也？祭之儉也，非先王之欲也。夫王璫而大圭，王豆而雕俎，齊明以臨之，盛服以行之，水陸之品，苟有薦者，無不咸在此。先王之所以事宗廟也，故天子之特約也。而廢袷也，爲夫物之未成而禮不備，故也。禮不備，則不敢用袷，則品物之重也。久矣。蓋物者，誠之表，誠者，物之主。物備而誠不至者，有之矣。未有誠至而物不備者也。夫祀上帝之簡也，非先王之嗇也。以謂無物可稱，而不敢近於藝，是亦誠之盡而已矣。所謂祭嘗者，品物之盛也。夫先王之於陰陽也，陽慶其成，而陰惡其盛。禘夏也，於時則陽之成，嘗秋也，於時則陰未至於盛。約之於春也，則陽乃作而未成。烝之於冬也，則陰已窮而既盛。故禘嘗之祭，陽之成也，而陰之微也。是以先王重之。此所謂陰陽之消長也。有是三者，則先王之所以重謹而不敢易之於嘗祭也，不亦宜乎？夫天子袷禘袷嘗。

禮論四
郊丘先生
拾齋諸侯嘗禘禘何也夫禘喪畢之祭也而禘禘者四
時之祭也天子先禘而後時祭諸侯先時祭而後禘喪畢之祭
無常時而四時之祭有定法無常時者近私有定制者近公天
子制法者也故先所私而後法則無嫌也諸侯從上者也故先
定法而後行其私此君臣之道也

禮論四

郊丘先生

古之養世子而教之學与夫凡學于國之孝何其有序而不乱
也蓋其學有常位其習有常事其教有常職其礼有常度四者
立而後學之道備蓋所謂其學有常位者其別有四曰東序也
曰瞽宗也曰上庠也曰成均也所謂東序者夏后氏之孝而其
事有九一曰學干戈二曰學羽籥三曰養老四曰合誥五曰授
數六曰論說七曰儉賓八曰釋奠於先老九曰養老幼所謂瞽
宗者商之孝也其事止於孝礼而已所謂上庠者有虞氏之孝
也其事止於讀書而已所謂成均五帝學也其事則郊人取爵

於上尊而已夫備三代之學而夏后氏之學其事獨衆於有虞
商人之學何也蓋凡事於東序者在主宮之左而其位則仁之
方也此其比于二代之學其事爲衆欤夫書者觀言以取訓而
習礼者勤事以正容夫觀言以取訓遠道也而三代之事莫遠
於虞故讀書於上庠勤事以正容近道也而商人於周爲最近
故習礼於瞽宗蓋成均者意其虞氏之前也夫時遠則制略制
略則事卑蓋所謂郊人者既遠之在郊矣故不得与於上庠瞽
宗東序之事然獨至于天子飲酒于成均然後始得酌于一尊
此不云時遠而制略制略而事卑乎此所謂其事有常位也其
習有常事者其別有九一曰干二曰戈三曰羽四曰箠五曰南
六曰誦七曰弦八曰礼九曰書所謂學干者小孝正主之而大
胥贊之而大樂正授數焉至於學戈也箠師主之而箠師丞贊
之至于羽箠則其主之無官其贊之無助何也蓋舞羽近於孝
干則知舞羽之官亦樂正与大胥而學戈之官固已能吹箠則

知孝簫之官是亦簫師簫師丞而已矣夫南夷之樂也而陳於學何也蓋四夷之俗皆有安居和味宜服利用備器陳之於孝者孝之所知憚而不厭也凡學之時施於春夏者四有通而習之者干戈是也有別而習之者春誦夏弦是也施于秋冬者四有通而習之者羽簫是也有別而習之者秋學礼冬讀書是也春夏者物盛而形顯之時也而干戈之舞形之盛也故春夏習之誦与弦均爲聲也而誦者人聲而弦資於器人聲者先王之所貴故先誦而器次之焉秋冬者万物數窮形斂而靜伏之時也羽舞者主於振作而吹簫者羽聲而已故於秋冬習之秋習礼而冬讀書均爲事也而習礼者俯仰折旋勞于外而後能習於冬則寒而大苦故於秋冬者人入室以居而無事之時也故使之讀書焉安于身合乎時中乎義習焉而不困以焉而不墮者用此道也蓋所謂其習有常事者此也其教有常職者其官十有三曰太傅曰少傅曰保曰師曰大司成曰大樂正曰小樂

正曰大胥曰胥曰執札者曰典札者曰籥師曰籥師丞所謂太
傅少傅尚夫師與保四者以道德為職者也而太傅之職無所
繫不以教率不以言喻故曰審父子君臣之道以示之而已少
傅則教以率之言以告之故曰審喻之師也則教之以事而喻
諸德保也則謹其身以輔翼之而歸諸道則三者其職已勞矣其
德有大小故官有勞佚以心治者其官逸而以事詔者其任勞
此其理然也至所謂大司成者論說在東序又曰凡侍坐於大
司成者遠近皆三席可以問則大司成主學之教者也所謂大
樂正者舞正禮記語說合語乞言皆大樂正授數則大司成之教
而喻諸其下者也所謂小樂正者凡祭與養老乞言合語之禮
而詔之于東序則小樂正者授數于大樂正而喻諸其下者也
所謂大胥者小樂正學干則大胥贊之蓋輔小樂正之事而為
佐者也所謂胥者大胥之佐也故鼓南蓋其職已卑矣主節夷
樂而已所謂執札者典書者籥師與其丞其職雖不備見然考

其事則皆拱職效役以承其上者也此治孝之常職也所謂其
礼有常法者其別有十所謂立孝而釋奠於先聖先師一也春
夏秋冬而釋奠於先師二也天子視孝而祭先師三也釋奠先
老子東序四也釋菜五也大合樂六也養老七也合語八也論
說九也乞言十也立孝而莫示有祖也時而祭之示不敢忘也
天子視學而親祭示尊也釋奠於先夫子已所有事也大合樂
而後養老始立學既與器而後釋菜示告成而不敢尊也習而
後行礼也小樂正合語為未足故大司成論說之以論說為未
足故乞言于老者此所謂其礼有常法凡此者先王教孝之道也

礼以養人為本論

東坡先生

論曰三代之衰至于今且數千歲蒙僭有意之主博享多識之
目不可以勝數矣然而礼廢樂墜則相与咨嗟發憤而卒於無
成者何也是非其才之不逮孝之不至過於論之太詳畏之太
甚也夫礼之初始諸人情因其所安者而為之節文凡人情之

所安而有節者率皆禮也則是禮未始有定論也然而不可以
出於人情之所不安則亦未始无定論也其無定以為定論
則塗之人皆可以為禮今儒者之論則不然以為禮者聖人之
所獨尊而天下之事最難成者也率於繁文而拘於小說有毫
毛之差則終身以為不可論明堂者惑於考工呂令之說議郊
廟者泥於鄭氏王肅之孝紛紛交錯者累歲而不決或因而遂
罷未嘗有一人果斷而決行之此皆論之太詳而畏之太甚之
過也夫禮之大意存乎明天下之分嚴君自篤父子形孝弟而
顯仁義也今不幸而聖人遠有如毫毛不合於三代之法固未
害其為明天下之分也所以嚴君自篤父子形孝弟而顯仁義
者猶在也今使禮廢而不脩則君且不嚴父子不篤孝弟不形
仁義不顯反不足重乎昔者西漢之書始於仲舒而至於劉向
悼禮樂之不興故其言曰禮以養人為本如有過差是過而養
人也刑罰之過或至殺傷今吏議法筆則筆削則削而至禮樂

則不敢是敢於殺人而不敢於養人也而范曄以為樂非憂義而新音代作律謝臯蘇而法令亟易而至於札獨何難欤夫法者末也又加以慘毒繁難而天下常以為急札者本也又加以和平簡易而天下常以為緩如此而不治則又從而尤之曰是法未至也則因而急之甚矣人之惑也平居治氣養生宣故而納新興行之甚易其過也死大患然皆難之而不為悍藥毒石以搏去其疾則皆為之此天下之公患也嗚乎二者得斯說而通之禮樂之興庶乎有日矣

禮以養人為本論

穎濱先生

君子之為政權其輕重而審其大小不以輕害重不以小妨大為天下之大善而小有不合焉者君子不顧也立天下之大善而以小有不合而止則是天下无聖人大善終不可得而建也自周之士其父子君臣冠昏喪祭之礼日以淪廢至於漢興賢君名臣比比而出皆知礼之足以為治也然皆拱主相視而莫

敢措非以禮爲不善也以爲不可復也是亦自輕而已故元成
之間劉向上書以爲禮以養人爲本如有過差是過而養人也
刑罰之過或至於殺傷然有司請定法令筆則筆削則削是敢
於殺人而不敢於養人也然而爲是者則亦有故律令起於後
世而禮出於聖人敢死後世之刑而不敢死先王之禮是亦畏
聖人太過之獎也記曰禮之所生生於義也故禮雖先王未之
有可以義起也故因人之情而爲之節文則亦可至於渾之而
不敢邪今夫冠禮所以養人之始而歸之正也昏禮所以養人
之親而尊其祖也喪禮所以養人之孝而爲之節也葬禮所以
養人之終而塞其悲也祭禮所以養人之終而接之於無窮也
賓客之禮所以養人之交而慎其瀆也鄉禮所以養人之本而
教之以孝悌也凡此數者皆待禮而後可以生也今皆廢而不
立是以天下之人皇皇無所折衷求其所以而不得則不能不
出其私意以自斷其礼私意既行故天下之弊起者者極其者

以傷其生儉者極其儉以不得其所欲財用匱而飢寒作飢寒作而盜賊起盜賊起而民之所恃以爲養者皆失而不可得雖日開倉廩發府庫以贍百姓猶不可得而養也故古之聖人不用財不施惠立禮於天下而匹夫匹婦莫不自得於閭閻之中而無所匱乏此所謂知本者也

禮義論上

賢節先生

天下之治無作道貴適時濟民之急也歷古所利於濟民者五常其本乎何則禮運之篇獨明禮義之旨因究其興從而爲之說夫仁主於施義主於斂斂形於財施尚乎博而惠乎小則廣其化也斷取其宜而防其不宜則立之法也財貴別而惠其厚則束以制也是則基止乎仁而礼義爲之用焉古之明王能厚其本者未有捨其用而措之茲所以爲治之要也大凡天地默斡二氣涵育動植故日月臨照星宿運移風雨動潤春夏秋冬資始周乎萬載戰間而六經動植忘凶天郊禘之惠誠化之至矣然陽

不備運其化假陰以成之故雷霆之震發雪霜之肅殺秋冬之
斂藏寒暑之推移而歲功成矣其於覆載之間小大之類於而
遂其終焉有而遂於無焉天地仁義之理備矣且仁之所行有
所本也其禮之行孰將本於蓋太一之初悞然全其質也天地
既判尊卑異其躰也布列於鬼神而高下小大之類各得其分
矣聖人觀天地之變極其理而以溥其用故仁廣其愛而物遂
其化天地同其和矣動以制交斷然示天下之義天地同其宜
矣審法立制壹政阜天下之禮域以定分而理安其躰天地同
其節矣然則父子昆弟夫婦君臣長幼朋友賓客之紀衣服飲食
食之利甚悲哀樂之感茲人道之至也夫三者之用皆所以養
而始終之然後適諸皇極然而四海之衆繁自夥非慈已欲而
行事則慮其不達也故親於親子於子非獨已也天下之謂矣
貨不患於蓄而患不濟於人力不患其施而患不出其身舉是
一二推之千萬而行則斯達矣故曰尚乎博而惠其小是以人

道之立也貴親乎仁矣然衆得其施下得其惠不可使縱欲遂好而無所止故成之以宜也使之和而別於恭愛而著於畏暴天凌襲之患去矣苟欲者縱而不返貪者求而不止狎亂頽弱者極而不率則廣斷之用而刑以威之然後宜得其所謂宜也故曰防其不宜則立法焉是以人道之立也相須乎義矣前所云人道之至者統乎一義七情言之茲惟人之秉乎治得其別順之所與治失其本亂之所基也聖人以是徇其性因其理法天地爲君日以主而治之極其疎密隆殺之辨信孝悌忠信之本篤乎內等降防約之禮節乎外是故飲食有大小之度居處有高下之別爵祿授而不僭賦歛取而不過朝會尊而不傲宴饗親而不褻祭祀恭而不懈兵甲威而不虐昏姪貴嗣而奪淫葬埋以經而節哀其爲教則斯至矣故曰辨貴別而惠其同則束以制焉以是人道之立也相別乎礼矣故始於仁而義處以行焉發於義而礼隆以成焉是皆相須其述而義之用濟民之

急者是以聖人獨言而切著之也然三者故曰貴適時濟民之急也

禮義論下

賢節先生

夫適時之用所以異者有教化万變之殊而超乎一致矣當堯舜之時大道之行於天下為公厭民之性淳朴而質得其施而自足爭利欲之心不萌矣是之謂大同然孔子言堯舜其猶病諸者非謂至聖之性淳民之時而不能行蓋以患後世之變民欲之變行施之道鮮矣亦以湯後之人君勦力而為也及大道既隱天下為家或得之厚或行之薄是為治之難矣故孟子曰堯舜性之三王身之且聖人之性一也豈有異乎蓋時而民之殊也二帝之世民性漸漓故躬親而行尚有厚薄之異也然性之既汨欲之既繁是以節民欲而急時用者莫若礼焉礼之為教則於家於國豈斯須而去哉是謂辨別於外而有所節矣故曰礼義以為紀誠急於用也夫形於用非為之制度孰能

節於外哉是以三代之際或損或益皆以歐民欲而防其侈也
民欲愈縱則厲斷之用隆刑之為以剔其彊梗貪縱者因刑而
後革則以政而正焉洎周室衰禮失刑濫政亡不復上亂其紀
下絕其紐君臣僭倖無所別焉以至乎滅太常亂天倫咸有焉
故春秋二百四十二年之間凡國事之善惡家治之得失聖師
則從禮經而褒貶之誠謂禮節於外尚不能遵而力行況語之仁
乎下及後世雖變革不一惟漢與唐有濟民救時之仁隨世上
下而更為制度也然而或損或益廢儀無所定朝興而夕革之
者衆矣孰可復禮之本歟孰可語仁之道歟或曰子之謂禮本
不可復是教人多詐乎仁道不可復是教君不施乎答曰禮本
之所復在乎飲食約而不豐居處儉而不隆賓客節其所費
則思歛民之難嘉言省其所用則思取民之不易至於釋老之
宮足以損其華民庶之居足以去其僭為之防使嚴而不踰為
之法使威而不犯則良無僭逼其制中而自守也民無得踰踰

其法和而自安也和順之理得不格哉其本可漸而致矣本既
可致則和聲無所不興然而道和聲以一天下者故樂從而興
也豈不可復哉仁道可以復者雖大道之世而今無異矣亦在乎
薄租賦平邦稅均力役省賞罰設兵備無使患至而闕民禁異
貨無使費重而加賦異貨禁則民奢息而羨財賦斂薄則費用
足而家給斯亦興仁之漸也非所謂一惠一宥之謂矣其道亦
可因而致也故曰仁至乎施無節於外為功也遠矣礼三乎躰
有制於外為功也速矣君人者能謹而行諸則斯得焉

雅樂論

賢良侯公

臣聞天下之事固有古以為急而後世以為迂者雅樂之謂也
古之治天下者礼樂二事而已故曰安上治民莫善於礼移風
易俗莫善於樂古人為治盖未嘗去礼樂於斯須也自秦至于
五代歷年數千豈特斯須而已哉然未聞用樂以興治而漢唐
之盛亦稱太平此其故何邪臣嘗追迹其事以為漢唐撥亂之

後如後元中元正觀開元之際其民皆有禮樂第當時不能一新制作而形容之尔夫民平居乎其私苟有可喜之事其容貌必悅其笑言必和雖使順風大呼其呼愈疾其聲愈溫潤而無陵暴之氣則是無故發其心有可喜之事然也今秦隋之君皆踞民而賓之於炉火之上天生聖人爲天下請贖民命去其炉火而納之清熙之域無橫徭以奪其農無橫賦以傷其生衣食滋盛子孫蕃息是皆可喜之事也于斯之時中國之民皆有恭順喜悅之心則其聲之和樂不待言而著矣夫惟其心之恭順是制禮之本也夫惟其聲之和樂是作樂之本也苟因其本而成一代之制作顧不美哉惜乎賈誼有制作之心而文帝不能用太宗有制作之心而房魏不能贊羊祐所謂天下不如意常十居七八豈謂是邪由此觀之漢唐之盛皆有禮樂之本第未能形容之尔此其所以治也臣伏覩自漢以來歷世皆有歌舞以昭功德大率增損其舊聲而易其辭意總非尔雖漢之四

時唐之九功七德皆未有大過人者也唯梁武積鍾石之什無
然詔訪百寮而皆不知所制作之法帝自立四器名之為通
以求十二律之聲而皆得之無差違至于鄭周而王朴以矩黍
定尺作律準十二絃因其律之數而十之以為設柱之度此者
皆卓偉之功也臣嘗嘉焉而又惜之蓋梁周之際政衰壤狹雖
有作樂之人而無作樂之時且其惜也梁通周準其法皆可為
用第不知其累黍之有是非尔梁之通固亡矣不可得而見也
朴之準今也猶存於太常設其聲有高下則其弊在尺不在準
因其法而更黍尺以制之可也或曰隋之鄭譯唐之祖孝孫皆
能旋宮之法此非卓偉之功乎臣曰譯孝孫固知樂矣然其法
無傳於後梁之通也周之準也其法皆可傳焉此所以為卓偉
之功也伏惟本朝自太祖受命急於制作嘗嘆雅樂聲高近於
哀恩詔廷臣討論其理而和峴取太史銅具製造新尺以黃鍾
之管故王朴之器其聲果下一律迨至道之初太宗以神明之

性增絃於琴阮此誠祖宗留心於移風易俗之深也臣伏見仁
宗景祐初因李昭言樂遂詔侍臣訪雅樂制度而又博求朝野
知樂之士凡治金磨石改制八音至景祐中而後成雖暫宸設
而卒不施用是豈樂室于道謀之致乎昔杜淹令紫玉鑄鍾其
聲均清濁多不如法數毀改作玉謂蓋望溫濁任意更相訐曰我
武取所鑄鍾雜錯更試然後知憂之精而玉之妄乃罪玉焉夫
天下之難知者樂也而易見者亦樂也知之存乎性故為難見
之存乎器故為易儻各從其說而使之制十二鍾以考視焉既
不甚費而其人之猜妄可坐見矣方今治安久矣雖漢唐未有
若今之盛也百年制作適當其會惟陛下益思所以寬裕薄賦
於天下使天下之民聲和氣和乃命賢臣制礼作樂以述成祖
宗之美志苟前日之樂是邪因而成之苟非邪且不聲勞費而
一新乎制作也夫人之情貴因循而尚苟且蓋因循則无過苟
且則無謗故雖通才遠識之人亦不敢毅然有意於制作之用

以是言之梁武非人君則四過不立十二雅不成王朴非拒君之任則律準亦不能以必立也可不鑒哉

樂禁論

賢良侯公

臣聞周官大司樂凡建國禁其淫聲過聲凶聲慢聲趨數效濫之謂淫哀樂失節之謂過邪厲怨傷之謂凶情廢不恭之謂慢臣愚以謂自漢而來凡樂聲元有不涉乎四者也今夫禮途之間一人鼓琴焉一人鼓箏焉上而觀者必矚肩側足乎鼓箏之地非惡乎琴之人也以琴音之淡而箏音之繁會也今之琴非古聲也其嘈然者蓋已流而入於鄭矣而天下之人猶以爲淡況太古之樂乎夫淡然以粹者人之性也情感於物而汨其所以淡是故衣而惡夫帛之淡也則金玉錦綉然後適其事食而惡夫梁肉之淡也則鹽梅菹醢然後適其口居而惡夫宮室之淡也則峻宇彫牆然後適其心聽而惡雅頌之淡也則鄭音衛曲然後適其耳是皆情感於物而至于是也夫樂生於人聲者

也人生而有聲聲生而有淫正之殊雖義軒堯舜之世其聲不能無淫正也聖人觀之曰正聲將以養天下之和也淫聲將以喪天下之和也淫聲雖若可樂而荒心溺志卒之喪天下之和是天下之鴆毒不可用也正聲雖淡而肅雍雅正足以養天下之和是天下之良藥也當用之以治天下非僻禍亂之病故代義作立基神農作下謀黃帝作雲門少皞作九淵韻垂響堯舜韶禹夏湯護周之武勺皆取天下之正聲而為之也皆所以養天下之和而歸之仁義也聖人能於教民雖有淫聲民將指為鴆毒而不敢近也昔紂為朝歌北鄙靡靡之音于斯之時民已化而入於淫聲矣武王周公能於教民故商受旦誅而淫聲夕止天下之人皆知其為鴆毒而不願乎復聞也周襄宋蕭齊鄭溺音並作倡德侯儒孫雜子女孔子傷之曰放鄭聲鄭聲淫疾之之甚也哉夾谷之會數齊僂以愛感諸侯之罪李何无文武之時周公之位而不得大施其所欲行自此鄭衛之聲橫

流於天下而不可遏矣。前世之君亦有放黜鄭衛者，或不能制爲雅樂以導民，或徒禁於民而用於君。是以雖欲放黜而不能，救其弊如漢哀帝，性不好音，詔罷樂府官，是獨能放之而無所以放之之具也。唐中宗令凡教樂如周官禁淫聲，過聲凶，聲慢散而官禁之間實用鄭衛，是獨禁於民而已。宜其皆天下之所不從也。夫天下有道，禮樂征伐自天子出，凡欲禁天下之鄭衛，非天子不能也。然必先制雅樂以行於天下，而後令之曰：「凡舊樂皆罷，不得復作。」作者有誅，苟冠昏祭祀宴會，酺飲一用新樂，如此則淫聲可放而雅樂可興矣。儻欲意於放鄭而不先爲之制雅，猶民冬衣絺綌，則其不足以爲溫而使之勿衣，其言是也。然吾無溫袍之賜，以及之，則民將復取絺綌而衣矣。方今雅樂雖未立於天下，而淫聲新熾，不可使盛縱於四方，以流僻生民之性。近時新聲屢創而伶人日盛，中民下戶苟能談笑劇談，往往奔四民之業而入於伶人語。願見賞勳輒得利，此仁政之未始

賊也夫伶人用之於朝宴是匹夫而熒惑人主也用之於將相是匹夫而熒惑大目也用之於州郡是匹夫而熒惑諸侯也用之於民私是匹夫而熒惑生靈也四者皆孔子之所必誅也而季者不以爲非中人不以爲惑皆習之然尔且聞柱正則室正肘直則掌直欲新嚴不作於民間莫如止教坊之制曲欲作人驕緣於南畝莫如減都城之雜戲乃徐諭天下爲之禁命以示制樂之漸既不爲苦節而天下將闡然日趨於仁義茲教化之深益也

禮樂之治

待制張公

先王之世禮樂達於天下何也蓋人主修身正心於一堂之上內先聲色敗游之嗜以取中和之心外先奇技異能之好以亂專一之慮根於心者皆仁義道德發於言見於事者皆孝悌忠信禮樂之本立於聖人者已至矣然後從事於禮樂之文正其形名發其度數典之有司用之宗廟朝廷禮一行而天下無遠

意樂一作而天下無邪心恭隨孝悌行於匹夫匹婦之愚而瞽
阜和樂至於昆蟲草木之細此无它也聖人以其礼樂之心而
發之於礼樂之器精神心術与礼樂和同而爲一故寓意於迹
迹修而教行示教於物物陳而教達故也後世則不然治心養
性之孝不發仁義道德之風不振一人之身內則爲穀色貨利
之所誘以傷和伐性外則爲譴誚茲佞之所惑以敗政乱聖其
心与礼樂已判然二物矣鑿是物曰此吾所以爲礼矣奏是音
曰此吾所以爲樂也心之所存不在器器之所存非其誠故見
於鍾鼓玉帛者人亦埒口切矣而无所化此猶象龍不可以致
兩畫餅不可以療飢非礼樂之罪不取之心而來之物有礼樂
之文而无其實故也然則礼樂達於天下必君先全礼樂而後可

制作之意

待制張公

聖人作一事皆寓不盡之意士子入孝非專爲士子也使國人
知有父在則礼然有君在則礼然然則國人皆知父子君臣之

禮由世子入季有以感之也又如郊祀以享上帝宗廟以享
先君非止為天地宗廟也祭祀之間器用有別衣服有制蓋亦
懸寓其尊卑上下之分故曰禮達而分定又曰矢禘之說治天
下如指諸掌又曰明乎郊社之義禘嘗之禮治國其如指掌乎
然則郊社宗廟之祭又聖人因禮以明分而治國之道實寓于
此也又如蜡祭一事非專為蜡也其說曰年穀順成八蜡乃通
天因年穀之豐耗而鬼神有祭有不祭則為百官者有功罪必
加於賞罰也然而蜡祭者聖人嘿寓賞善罰惡之意以示人巨
尔故曰制作者皆聖人所以寓其微意也作者之謂聖述者之
謂明誰曰不然又如所服衣裳亦有深意上曰衣下曰裳衣之
可以加於裳君之可以加於臣也裳之不可加於衣臣之不可
加於君也故曰垂衣裳而天下治蓋取諸乾坤